

Il tema da la bancnota da 20

Il tema da la nova seria da bancnotas è «La Svizra multifara». Mintga bancnota preschenta ina vart tipica da la Svizra che vegn illustrada tras in element principal.

La bancnota da 20 mussa la Svizra da sia vart creativa – l'element principal è la glisch.

✚ Ina infurmaziun da la Banca naziunala svizra




Dapli infurmaziuns sin www.snb.ch/20

© Banca naziunala svizra 2017

Il maun tegna in prisma che divida la glisch en differentas colurs. Grazia a la glisch vesan ins las colurs da la tgiralla e las ritgas fassettas da la natira – ma er la creatividad che sa preschenta a chaschun d'in festival da films. La glisch sa mussa er en las ensainas astrologicas sur il globus.

La bancnota ha anc blers auters tratgs che tractan il tema da la bancnota, la creatividad, e l'element principal, la glisch.

Scuvri sez la bancnota.



20

La nova bancnota da 20 francs

SNB BNS ✚

La nova bancnota da 20

La nova bancnota da 20 francs è cumparida. Ella suonda a la bancnota da 50 francs, che la Banca naziunala svizra ha emess l'avrigl 2016 sco emprima da sis novas bancnotas.

Cun la nova seria survegn la Svizra bancnotas ch'èn pli modernas ed anc pli segiras.

Qua vesais Vus la bancnota da 20: sia concepziun e sias caracteristicas da segirezza ch'èn simplas da controllar. Il tema da la nova seria da bancnotas è «La Svizra multifara».



Controllai l'autenticità

Las suandantas tschintg caracteristicas da segirezza mussan svelt, sch'ina bancnota è nunfalsifitgada.

1 TEST DAL GLOBUS

Muvai vi e nà la bancnota: in artg da color violetta sa mova sur il globus.




2 TEST DA LA STRIVLA

Muvai vi e nà la bancnota: cifras cotschnas e verdas sa movan sin quatter lingias ina vers l'autra.



3 TEST DA LA CRUSCH

Tegnai la crusch svizra en la glich: ella sa mida en ina bandiera svizra.



4 TEST DAL TRIANGUL

Tegnai il triangul en la glich: il fil da segirezza è visibel tras e tras.



5 TEST DAL MAUN

Palpai il maun, la cifra 20 u il num da la Banca naziunala: il squitsch d'arom è da sentir.

